



Broj: 10-37-6704.3/15
Sarajevo, 18.05.2015. godine

SKUPŠTINA KANTONA SARAJEVO

PREDMET: Odgovor na zastupničko/poslaničko pitanje

Zastupnica/poslanica Segmedina Srna Bajramović, na Drugoj Radnoj sjednici Skupštine Kantona Sarajevo, održanoj dana 29.04.2015. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, postavila je zastupničko/poslaničko pitanje koje glasi:

„Da li je Ministarstvo zdravstva upoznato kako se od strane direktorice JU „Dom zdravlja“ Kantona Sarajevo, Dženane Tanović vrše radnje koje opstruiraju izvršenje pravosnažne sudske presude kada je u pitanju povratak prim.dr. Milana Miokovića na poziciju generalnog direktora, te da li ministarstvo planira poduzeti zakonske korake zaštite zakonitosti postupka i osiguranja provođenja pravosnažnih sudskih presuda“?

U vezi sa postavljenim zastupničkim/poslaničkim pitanjem zastupnice/poslanice Segmedine Srne Bajramović, Ministarstvo zdravstva Kantona Sarajevo dostavlja sljedeći

O d g o v o r


Ministarstvo zdravstva Kantona Sarajevo je aktom broj: 10-37-6704.1/15 od 11.05.2015. godine, zatražilo od Upravnog odbora i menadžmenta JU Dom zdravlja Kantona Sarajevo cjelovitu Informaciju o poduzetim aktivnostima na izvršenju presude Općinskog suda u Sarajevu broj 65 0 Rs 351065 13 Rs od 29.09.2014. godine i presude Kantonalnog suda u Sarajevu broj 65 0 Rs 351065 14 Rs od 13.03.2015. godine, kojima je poništena kao nezakonita Odluka Upravnog odbora JU Dom zdravlja Kantona Sarajevo broj 01-01-1600-31/13 od 17.04.2013. godine o razrješenju Prim. dr Milana Miokovića, dužnosti generalnog direktora JU Dom zdravlja Kantona Sarajevo. Kako je JU Dom zdravlja Kantona Sarajevo u konkretnom slučaju izvršenik navedenih presuda, a u nadležnosti Upravnog odbora JU Dom zdravlja Kantona Sarajevo je sprovođenje izvršenja sudskih presuda, Upravni odbor JU Dom zdravlja Kantona Sarajevo je, dana 18.05.2015. godine, dostavio Informaciju broj: 01-01-176-60-1/15 od 14.05.2015. godine, o postupanju po pravomoćnoj presudi Općinskom suda Sarajevo u vezi radno-pravnog statusa prim.dr.Milana Miokovića, koju Vam u prilogu dostavljamo.

Obzirom da je JU Dom zdravlja Kantona Sarajevo izjavila prigovor na rješenje o izvršenju Općinskog suda u Sarajevu broj: 65 0 I 49884415 I od dana 24.04.2015. godine u propisanom

roku te se isti nalazi na razmatranju kod Općinskog suda u Sarajevo, a po odlučivanju od strane nadležnog suda bit će te blagovremeno obavješteni o preduzetim aktivnostima.

Prilog: Informacija Upravnog odbora JU Dom zdravlja Kantona Sarajevo broj: 01-01-176-60-I/15 od 16.05.2015. godine

S poštovanjem



MINISTRICA
Emira Tanović - Mikulec
Prim. dr Emira Tanović – Mikulec




web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1





JAVNA USTANOVA DOM ZDRAVLJA KANTONA SARAJEVO

Kanton Sarajevo, Federacija BiH, Bosna i Hercegovina
Public Institution Health Center of Sarajevo Canton
Sarajevo Canton, Federation of BiH, Bosnia and Herzegovina



Broj: 01-03-3920/15
Dana, 16.05.2015. godine

KANTON SARAJEVO
MINISTARSTVO ZDRAVSTVA
Kabinet Ministrice
Prim. Dr. Emira Tanović Mikulec
Ulica Reisa Džemaludina Čauševića 1
Sarajevo, 71000

Bosna i Hercegovina
Federacija Bosne i Hercegovine
KANTON SARAJEVO

Datum: 18-05-2015			
Broj: 10	Mobilizacija: 34	Redni broj: 12890	Broj: 10

PREDMET : Dostava informacije o postupanju o pravomoćnoj presudi Općinskog suda Sarajevo u vezi radno-pravnog statusa prim. dr. Milana Miokovića

Poštovana,

U vezi zahtjevom Ministarstva zdravstva Kantona Sarajevo broj 10-37-6704.1/15 od 11.05.2015. godine obavještavam Vas da je Upravni odbor na sjednici održanoj dana 14.05.2015. godine razmatrao i usvojio informaciju označenu u predmetu ovog akta, a u čijoj obradi je pored pravne službe Javne ustanove Dom zdravlja Kantona Sarajevo učestvovao i punomoćnik ustanove u predmetnom sudskom sporu Advokat Hakija Kurtović iz Sarajeva.

PRILOG : Informacija

S poštovanjem,

Dostaviti:

1. Naslovu
2. Generalni direktor
3. a/a

GENERALNI DIREKTOR

Prim. Dr. Emira Tanović
Opć. opšte medicine

**JU DOM ZDRAVLJA
KANTONA SARAJEVO
UPRAVNI ODBOR
BROJ: 01-01-176-60-I/15
DANA, 14.05.2015. godine
SARAJEVO, VRAZOVA 11**

**KANTON SARAJEVO
Ministarstvo zdravstva
Kabinet ministrice
Prim.dr.Emira Tanović Mikulec
Ministrica
Ul Reisa Džemaludina Čauševiće broj 1
Sarajevo, 71000**

Postupajući po Zahtjevu Ministarstva zdravstva Kantona Sarajevo broj: 10-37-6704.1/15 od 11.05.2015. godine dostavlja se :

Informacija o postupanju o pravomoćnoj presudi Općinskog suda Sarajevo u vezi radno-pravnog stausa prim.dr. Milana Miokovića

Po prijemu presude Kantonalnog suda Sarajevo broj: 65 0 Rs 351065 14 Rs od 13.03.2015. godine kojom je potvrđena presuda Općinskog suda Sarajevo o poništenju Odluke o razrješenju Milana Miokovića sa radnog mjesta Generalni direktor JU Dom zdravlja Kantona Sarajevo, Upravni odbor ustanove je dana 02.04.2015. godine razmatrao i usvojio Informaciju Uprave JU Dom zdravlja Kantona Sarajevo sa zaključcima da prim.dr. Mioković Milan nakon završene konkursne procedure i imenovanja od strane Upravnog odbora JU Dom zdravlja Kantona Sarajevo nije dobio saglasnost Vlade Kantona Sarajevo propisane članom 29. stav 2. Zakona o ustanovama koji se primjenjuje kao Federalni zakon.

Uz prednje, Upravni odbor je konstatovao da prim.dr. Mioković Milan nije u sudskom postupku tražio poništenje odluke o imenovanju generalnog direktora JU Dom zdravlja Kantona Sarajevo prim.dr. Dženane Tanović, pa se presuda Općinskog suda može izvršiti samo fakultativno tj. rasporedom imenovanog na druge odgovarajuće poslove u JU Dom zdravlja Kantona Sarajevo u skladu sa njegovom školskom spremom i radnim iskustvom kao i isplatom razlike plaće, doprinosa za PIO i troškova postupka, zaključno sa 31.03.2015. godine.

O usvajanju informacije Upravni odbor donio je Odluku broj: 01-01-176-43/15 od 02.04.2015. godine kojom je naloženo generalnom direktoru JU Dom zdravlja Kantona Sarajevo da izvrši presudu Općinskog suda Sarajevo broj: 65 0 Rs 351065 13 Rs od 22.09.2014. godine na način što će prim.dr. Mioković Milana rasporediti na odgovarajuće radno mjesto i isplatiti mu razliku plaće između radnog mjesta generalnog direktora i radnog mjesta na koje je nakon razrješenja bio raspoređen, zaključno sa 31.03.2015. godine.

Postupajući po odluci Upravnog odbora generalni direktor JU Dom zdravlja Kantona Sarajevo donio je svoje Rješenje broj: 01-05-3137-2/15 od 14.04.2015. godine s kojim je otkazo Ugovor o radu prim.dr Mioković Milanu koji je nakon razrješenja sa funkcije generalnog direktora bio raspoređen na radno mjesto Specijalista porodične/obiteljske medicine u službi porodične/obiteljske medicine-primarna zdravstvena zaštita i ponudio mu novi Ugovor o radu na radno mjesto Pomoćnik generalnog direktora za medicinske poslove u kabinetu generalnog direktora.

Iz obrazloženja te odluke opisano je da se ovim rješenjem izvršava pravomoćna presuda Općinskog suda Sarajevo broj: 65 0 Rs 351065 13 Rs od 22.09.2014. godine koja je potvrđena presudom Kantonalnog suda broj: 65 0 Rs 351065 13 Rs od 13.03.2015. godine.

Ugovor o radu na neodređeno vrijeme uz naprijed opisano Rješenje pod brojem: 01-05-3187-3/15 od 14.04.2015. godine za raspored tužitelja na radno mjesto: Pomoćnik generalnog direktora za medicinske poslove dostavljen je aktom Ustanove broj: 01-05-3137/15 od 14.04.2015. godine prim.dr. Mioković Milanu koji ga je potpisao dana 16.04.2015. godine tj. tim ugovorom prihvatio je izvršenje presude Općinskog suda Sarajevo i po istom stupio na rad.

Uz raspored na drugo radno mjesto prim.dr. Mioković Milanu je u cjelosti izvršena isplata razlike naknade plaće u skladu sa prvostepenom presudom Općinskog suda Sarajevo zaključno sa 31.03.2015. godine.

Protiv presude Kantonalnog suda Sarajevo kojom je odbijena žalba izjavljena protiv naprijed navedene presude Općinskog suda Sarajevo, JU Dom zdravlja Kantona Sarajevo izjavio je reviziju u zakonom propisanom roku.

Nakon prijema Ugovora o radu prim.dr. Mioković Milan je podnio prigovor Upravnom odboru JU Dom zdravlja Kantona Sarajevo koji je isti odbio kao neosnovan.

Iz naprijed opisanih navoda može se zaključiti sljedeće:


1. Prim.dr. Mioković Milan na Odluku Upravnog odbora JU Dom zdravlja Kantona Sarajevo broj: 01-01-1600-8-1/12 od 29.05.2012. godine nije imao saglasnost Vlade Kantona Sarajevo za imenovanje na poziciju generalnog direktora propisanu članom 29. Zakona o ustanovama, pa bi njegov povrat na rad bez odluke Vlade Kantona Sarajevo s kojom se daje saglasnost na odluku Upravnog odbora o njegovom imenovanju bila neizvršiva.
2. Presudom Općinskog suda u Sarajevu broj: 65 0 Rs 351065 13 RS od 22.09.2014. godine nije poništena Odluka o imenovanju prim.dr. Dženane Tanović na poziciji generalnog direktora JU Dom zdravlja Kantona Sarajevo, pa je to samo polovičan postupak, jer bez poništenja odluke o imenovanju postojećeg direktora ne može se izvršiti presuda na način kako je to predmetnom presudom naloženo.
3. Pravomoćna presuda Općinskog suda Sarajevo broj: 65 0 Rs 351065 13 RS od 22.09.2014. godine izvršena je fakultativnim izvršenjem na način što je tužitelju iz te presude ponuđen Ugovor o radu na radnom mjestu Pomoćnika generalnog direktora za medicinske poslove JU Dom zdravlja Kantona Sarajevo, te su mu izvršene isplate svih novčanih potraživanja iz navedene presude.
4. Prim.dr. Mioković Milan je uredno, samovoljno bez prisile prihvatio i potpisao novi Ugovor o radu 14.04.2015. kojim je izvršena presuda Općinskog suda Sarajevo, pa je potpisivanjem Ugovora o radu i stupanjem na rad po tom ugovoru imenovani stekao pravo i mogućnost da tu odluku Upravnog odbora i Ugovor o radu s kojim se u postupku izvršenja presude raspoređuje na odgovarajuće poslove pobija u zakonom propisanoj proceduri kod nadležnih organa ustanove i suda.
5. Imenovani je 16.04.2015. godine uložio prigovor na Rješenje generalnog direktora o otkazu prethodnog ugovora o radu sa ponudom Ugovora o radu pod izmjenjenim uslovima za raspored na radno mjesto Pomoćnika generalnog direktora za medicinske poslove koji je razmatran na sjednici Upravnog odbora i odlukom istog odbijen kao neosnovan.
6. Rješenjem o izvršenju Općinskog suda u Sarajevu broj: 65 0 I 498844 15 I od 16.04.2015. godine naloženo je JU Dom zdravlja Kantona Sarajevo da izvrši sudsku presudu. Protiv tog rješenja JU Dom zdravlja Kantona Sarajevo uložio je dana 24.04.2015. godine prigovor Općinskom sudu Sarajevo koji do dana izrade ove informacije nije riješen.

7. U slučaju da presuda Kantonalnog suda Sarajevo po izjavljenoj reviziji od strane JU dom zdravlja Kantona Sarajevo bude ukinuta ili poništena od imenovanog će se potraživati povrat novčanih sredstava isplaćenih na osnovu pravomoćne presude.

8. Upravni odbor cijeni da je JU Dom zdravlja Kantona Sarajevo kao pravno lice nadležno za izvršenje sudskih odluka pa je u skladu sa svojom nadležnošću i postupilo.

9. Prigovor na rješenje o izvršenju Općinskog suda u Sarajevu br: 65 0 I 49884415 I od 16.04.2015.godine je izjavljen u propisanom roku te se isti nalazi na razmatranju kod Općinskog suda u Sarajevu.

POMOĆNIK
GENERALNOG DIREKTORA
ZA PRAVNE POSLOVE


Jasmina Horo, dipl pravnik



ZAMJENIK PREDSEDNIKA
UPRAVNOG ODBORA

Prim.dr.med.sci.Enes Šaćić
Spec. epidemiolog



Dostaviti:

- Naslovu

- Upravni odbor Ustanove

- SPKOP

- A/a